

## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Nobilibvs Viriscomitibvs, Baronibus, & universis populis per regnum  
Franciæ constitutis.

**urn:nbn:de:hbz:466:1-20020**

audivimus rem crudelē & in communem  
 luctū generalis Ecclesiæ deducendam  
 &c. usque in finem sicut in illa que mittitur  
 Narbonensi Archiepiscopo & alii. Eia igitur  
 Miles Christi, eia Christianissime Prin-  
 ceps, moveat religiosissimum pectus tuum  
 universalis Ecclesiæ sanctæ gemitus, suc-  
 cendat te ad tantam Dei tui vindicandam  
 injuriam pius zelus. Clamantem ad te justi  
 sanguinis vocem audias, & contra tyrannum  
 hostemque fidei scutum pro Ecclesiæ  
 protectionis affumas; ut qui pro mundo  
 haecenius laudabiliter militasti, laudabili-  
 lius milites nunc pro Christo, qui à ne-  
 quissimis servis graviter impugnatur. Ac-  
 cipe tempus instans faciendo iustitiam, &  
 aures à querela Ecclesiæ non avertas di-  
 centis tibi: *Exurge, & judica causam*  
*meam.* Felix quidem tibi & necessaria esse  
 potest tanta perversorum offensa, qua fe-  
 cit ut qui creavit te, tuo nome obsequio  
 velit uti. Quapropter, dilectissime fili,  
 gladium quem ad vindictam malefacto-  
 rum, laudem vero bonorum à Domino  
 accepisti, gladio nostro junge, ut simul  
 de tam sceleris & inhumanis malefactori-  
 bus ulciscamur. Attende per Moysem &  
 Petrum, patres videlicet utriusque testa-  
 menti, signatam inter regnum & sacerdotiu-  
 m unitatem, cum alter regnum sacer-  
 dotiale prædixit, & reliquus regale sacer-  
 dotium appellavit; ad quod lignandum  
 Rex Regum & Dominus dominantium  
 Iesu Christus secundum ordinem Melchi-  
 fedech sacerdotis & Regis de utraque vo-  
 luit stirpe nasci, sacerdotali videlicet &  
 regali. Et princeps Apostolorum, *Ecce*  
*gladius duo hic, id est simul, dicente domum*  
*Domino satis est,* legitur respondisse, ut  
 materiali & spirituali gladii sibi invicem  
 assidentibus, alter per alterum adjuvetur.  
 Cum igitur post interfectionem præfati  
 iusti Ecclesiæ que in partibus illis est abs-  
 que consolatore in tristitia & merore se-  
 dente fides evanuisse, perisse pax, hære-  
 tica peltis & hostilis rabies invaluisse dicantur,  
 ac nisi potenter in hujus novitate pro-  
 cellæ succurratur eidem, penè penitus vi-  
 deatur ibidem navis Ecclesiæ naufragari,  
 regalis mansuetudinis pietatem monemus  
 attentiū & propensiū exhortamur, ac in  
 tanto necessitatis articulo in virtute Chri-  
 sti confidentes injungimus, & in remissio-  
 nem peccaminum indulgemus, quatinus  
 tantis malis occurrere non postponas, &  
 attendens quod usque adeo regium sit officium  
 in regno suo pacis negotium promo-  
 vere quod Regum sapientissimus Salomon

in figura Regis aeterni fuit pacificus appelle-  
 latus, ad pacificandum gentes illas in eo  
 qui est Deus pacis & dilectionis intendas,  
 & quibuscumque modis revelaverit tibi  
 Deus, hæreticam tamen studeas perfidiam  
 abolere, sectatores ipsius eō quam Sarra-  
 cenos securius quo peiores sunt illis, in  
 manu forti & extento brachio impugnando.  
 Præfominatum etiam Comitem, qui  
 quasi foedus percussisset cum ea, de morte  
 propria non recognitat, si forte vexatio  
 sibi tribuat intellectum, & impleta ipsius  
 facie ignominia, incipiat requirere nomen  
 Dei, ad satisfaciendum nobis & Ecclesiæ,  
 immo Deo, pondere non desinas inducere  
 super eum regalis oppressionis urgere, ip-  
 sum & factores ejusdem de castris Domini  
 depellendo, & auferendo terras eorum;  
 in quibus, relegatis hereticis, catholicos  
 habitatores instituas, qui secundum or-  
 thodoxæ tuae fidei disciplinam in sanctita-  
 te & iustitia sub tuo felici regimine ser-  
 viant coram Deo. Datum Laterani.

**NOBILIBVS VIRIS COMITIBVS,**  
 Baronibus, & universis populis per  
 regnum Francie constitutis,

R Em crudelem audivimus & in com- Epist. 29.  
 munem luctū generalis Ecclesiæ de- Super codem.  
 ducentam &c. sicut in illa que mittitur Extat in hist.  
 Regi usque. Eia igitur Christi milites, eia  
 strenui militiae Christianæ tyrones. Mo- Albigeni. cap.  
 veat vos generalis Ecclesiæ sanctæ gemi-  
 tus, succendat vos ad tantam Dei vestri  
 vindicandam injuriam pius zelus. Memen-  
 tote quod creator vester vobis non indi-  
 gitum cum vos fecit; qui quamquam vestro  
 servitio non indigeat, ut quasi per illud  
 minus in agendo quod voluerit fatigetur,  
 & sua omnipotencia minor sit obsequio  
 vestro carens, occasionem tamen in hoc  
 articulo vobis tribuit sibi acceptabiliter  
 serviendi. Cum igitur post interfectionem  
 &c. sicut supra usque, tantis malis occur-  
 rere non tarderis, & ad pacificandum  
 gentes illas &c. usque inducere super eum  
 oppressionis urgere &c. usque relegatis hæ-  
 reticis habitatores catholici subrogentur,  
 qui secundum orthodoxæ vestrae fidei dis-  
 ciplinam in sanctitate & iustitia serviant  
 coram Deo. Datum Laterani [ \* vi. Idus \* Hæc addita  
 Martij, pontificatus nostri anno unde- sunt ex histo-  
 cimo.] ria Albigeni.